



**PANDUAN PERMOHONAN DAN PELAKSANAAN
PROGRAM SISTEM LATIHAN DUAL NASIONAL (SLDN)
BERINSENTIF 2022**

15 DISEMBER 2021

**JABATAN PEMBANGUNAN KEMAHIRAN
KEMENTERIAN SUMBER MANUSIA MALAYSIA**

KANDUNGAN

1.0	TUJUAN	3
2.0	PENGENALAN	3
3.0	SYARAT PERMOHONAN	3
4.0	KEPUTUSAN PERMOHONAN	4
5.0	PELAKSANAAN LATIHAN	4
6.0	PERSIJILAN	6
7.0	PERUNTUKAN AM.....	6
8.0	TARIKH KUAT KUASA.....	6

1.0 TUJUAN

Panduan ini bertujuan untuk memberi penerangan tentang prosedur permohonan pelaksanaan program Sistem Latihan Dual Nasional (SLDN) Berinsentif 2022. Panduan ini hendaklah dibaca bersama panduan-panduan SLDN lain yang sedang berkuatkuasa.

2.0 PENGENALAN

Program SLDN Berinsentif 2022 adalah merupakan kesinambungan daripada inisiatif Program SLDN Plus tahun 2021 bagi menggalakkan lebih banyak penglibatan industri melaksanakan program berteraskan TVET. Inisiatif ini telah diumumkan oleh YB Senator Tengku Datuk Seri Utama Zafrul bin Tengku Abdul Aziz, Menteri Kewangan semasa perbentangan Bajet 2022 pada 29 Oktober 2021, di mana peruntukan berjumlah RM60 juta diluluskan untuk melatih seramai 10,000 perantis sepanjang tahun 2022.

3.0 SYARAT PERMOHONAN

Syarat-syarat permohonan program SLDN Berinsentif 2022 adalah seperti berikut:

3.1 Merupakan Pusat Bertauliah SLDN (PB SLDN)

PB SLDN merupakan Pusat Latihan (PL), Syarikat *Inhouse* (SI) atau Syarikat yang telah ditauliahkan untuk menjalankan program SLDN.

3.2 Mematuhi Prosedur Permohonan SLDN Berinsentif 2022-

- i. Permohonan SLDN Berinsentif 2022 perlu dimohon oleh PL atau SI yang telah mendapat kelulusan pentauliahkan program.
- ii. Carta Alir Permohonan Program SLDN Berinsentif 2022 adalah seperti Lampiran 1.
- iii. Permohonan boleh dibuat merujuk kepada iklan melalui sistem MySPIKE dan portal Jabatan Pembangunan Kemahiran (JPK).
- iv. PL mempunyai syarikat kerjasama yang ditauliahkan untuk permohonan penyertaan program SLDN Berinsentif 2022. PL perlu mempunyai bukti jalinan kerjasama syarikat (komitmen) atau syarikat telah ditauliahkan semasa mengemukakan permohonan.
- v. PL atau SI perlu mengemukakan permohonan kepada JPK secara dalam talian melalui sistem MySPIKE. Sila rujuk Manual pengguna MySPIKE bagi permohonan program SLDN Berinsentif 2022 seperti di Lampiran 2.

3.3 Kriteria Perantis

Kriteria perantis untuk penyertaan program SLDN Berinsentif 2022 adalah seperti berikut:

- i. Merupakan golongan lepasan sekolah, penganggur, bakal pekerja atau pekerja sedia ada yang berminat untuk mengikuti program peningkatan kemahiran atau latihan semula;
- ii. Merupakan warganegara Malaysia;
- iii. Berumur sekurang-kurangnya 16 tahun semasa pendaftaran (kiraan umur berdasarkan kepada tahun lahir);
- iv. Sekurang-kurangnya boleh menulis dan bertutur dalam Bahasa Melayu atau Bahasa Inggeris; dan
- v. Perantis yang didaftarkan bukan individu dari kalangan personel SLDN atau Penyelaras PL atau SI yang terlibat secara langsung bagi program tersebut.

4.0 KEPUTUSAN PERMOHONAN

- a. Permohonan yang lengkap akan diproses dan dinilai oleh Jawatankuasa Penilaian dan seterusnya diputuskan oleh Mesyuarat Jawatankuasa Pemilihan Program SLDN Berinsentif.
- b. Keputusan Jawatankuasa Pemilihan Program SLDN Berinsentif adalah muktamad dan sebarang rayuan tidak akan dipertimbangkan. Walau bagaimanapun, PB boleh mengemukakan permohonan baharu jika masih berminat.
- c. Keputusan permohonan boleh disemak melalui sistem MySPIKE dan Surat Tawaran (ST) akan dihantar kepada PB yang berjaya.

5.0 PELAKSANAAN LATIHAN

5.1 Pendaftaran Perantis

PB SLDN yang berjaya ditawarkan menjalankan Program SLDN Berinsentif 2022 hendaklah mendaftar perantis dan tertakluk kepada syarat-syarat berikut:

- i. Kuota perantis yang diluluskan
Bilangan perantis boleh didaftar adalah berdasarkan kepada kuota perantis yang diluluskan

- ii. Had penyertaan perantis
Setiap perantis dibenarkan maksimum dua (2) kali penyertaan sahaja di bawah program insentif ini.
- iii. Tempoh latihan
 - a. Minimum dua (2) bulan dan maksimum 10 bulan.
 - b. Penetapan tempoh jam latihan hendaklah merujuk kepada Panduan Pelaksanaan SLDN yang sedang berkuat kuasa.
 - c. Semua latihan perlu diselesaikan pada tahun 2022, iaitu selewat-lewatnya pada 30 November 2022.
- iv. PL atau SI boleh membuat pengambilan perantis lebih daripada sekali, tetapi tertakluk kepada kuota yang ditawarkan, baki peruntukan dan kesemua latihan dapat diselesaikan pada tahun 2022. Maklumat kekerapan pengambilan dan jumlah kuota perantis dimohon hendaklah dinyatakan semasa mengemukakan permohonan melalui sistem MySpike.
- v. PL atau SI hendaklah mendaftarkan perantis kepada JPK dalam tempoh 30 hari dari tarikh mula latihan. Pendaftaran perantis adalah berdasarkan konsep yang awal diutamakan (*first come, first serve*). PL atau SI yang mendaftarkan perantis lebih awal diberi keutamaan bagi peruntukan yang tersedia.

5.2 Pelaksanaan Latihan

- i. PB SLDN yang diluluskan hendaklah memastikan latihan dilaksanakan merujuk kepada panduan berkaitan yang sedang berkuatkuasa.
- ii. Pelaksanaan program latihan perlu merujuk kepada kategori program yang diluluskan seperti Surat Tawaran (ST), sama ada program persijilan modular atau program persijilan penuh.

5.3 Pembayaran Insentif

- i. PL atau SI yang berjaya ditawarkan program SLDN Berinsentif 2022 layak dibayar insentif sebanyak RM1,000 sebulan bagi setiap perantis bermula dari tarikh mula hingga tamat latihan. Kadar elaun dan insentif yang layak diterima adalah mengikut butiran berikut:
 - a. Elaun bulanan perantis – RM500;
 - b. Insentif bulanan Pusat Latihan / Syarikat Inhouse – RM300 bagi setiap perantis yang dilatih; dan
 - c. Insentif bulanan Syarikat – RM200 bagi setiap perantis yang dilatih.

ii. Kaedah pembayaran

- a. Pembayaran insentif perantis, PL dan SI akan dibayar ke akaun PL atau SI dan agihan elaun perantis dan insentif syarikat perlu dilaksanakan oleh PL.
- b. Terma pembayaran adalah seperti Jadual 1.

Jadual 1: Terma Pembayaran Insentif.

TEMPOH LATIHAN	TERMA PEMBAYARAN	DOKUMEN SOKONGAN
2-3 bulan	Selepas tamat latihan	Surat Tawaran & Surat Setuju Terima
4 / 6 / 8/10 bulan	Setiap 2 bulan	Surat Tawaran & Surat Setuju Terima - pembayaran pertama
5 / 7/ 9 bulan	Setiap 2 bulan & tamat latihan	Kontrak – pembayaran kedua (kecuali PB SLDN Awam)

6.0 PERSIJILAN

Perantis yang terampil akan dianugerahkan Sijil Kemahiran Malaysia (SKM), Diploma Kemahiran Malaysia (DKM), Diploma Lanjutan Kemahiran Malaysia (DLKM) pada tahap berkenaan atau Penyata Pencapaian (PC).

7.0 PERUNTUKAN AM

JPK berhak untuk menangguhkan, menamatkan, membatalkan atau menarik balik kelulusan program pada bila-bila masa sekiranya terdapat keperluan berbuat demikian atau berlaku sebarang pelanggaran terma dan syarat yang ditetapkan.

8.0 TARIKH KUAT KUASA

Panduan ini berkuat kuasa mulai pada 15 Disember 2021.

Carta Alir Pelaksanaan Program SLDN Berinsentif 2022

